

ВАТАНПАРВАРЛИК - ЁШЛАР ТАРБИЯСИННИГ АСОСИ

Собиров Н
ФарДУ профессори.

Аннотация: МАҚОЛАДА МАЊНАВИЯТ МАСАЛАЛАРИ, ЮҚСАК МАЊНАВИЯТ ИНСОНИЙЛИКНИНГ ЭНГ МУҲИМ ОМИЛИ ЭКАНЛИГИ, ВАТАН РАВНАЙИ МАЊНАВИЯТЛИ КИШИЛАРГА ҚАЙ ДАРАЖАДА БОҒЛИҚ ЭКАНЛИГИ ҲАҚИДА ФИКР ЮРИТИЛАДИ

Калит сўзлар: МАЊНАВИЯТ, МАЙДОН, МАФКУРА, FOЯ, ТИНЧЛИК, ВАТАНПАРВАРЛИК, ХУРУЖ, ТАҲДИД, ТАРБИЯ, ОМИЛ...

Бугунги кунда халқаро майдонда мафкуравий, ғоявий ва информацион курашлар кучайиб бораётганлиги, мураккаб ва таҳликали даврда мањнавий- маърифий ишларни замон талаблари асосида ташкил этиш, ёшларимизни турли мафкуравий хуружлардан ҳимоя этиш, юртдошларимизнинг ҳаётга онгли равишда муносабатини шакллантириш ён атрофда юз бераётган воқеаларга даҳлдорлик ҳиссини ошириш, мамлакатимиз мустақиллиги, тинч осойишта ҳаётимизга ҳавф туғдириши мумкин бўлган тажовузларга карши изчил кураш олиб боришни тақазо этмоқда.

Шундай экан Республикамиз ривожланиш йўлидан тезроқ бориш учун халқ мањнавияти, турмуш тарзини, миллий ғурурини бетўхтов юксалтириб бориш зарур бўлади. Бизга маълумки, мањнавий жиҳатдан қолоқ мамлакат ҳеч қачон буюк мамлакат бўла олмайди. Демак, ривожланиш тақдирини мањнавий жиҳатдан етук кишилар ҳал қиласиди. Мањнавий етукликни ватанпарварликсиз тасаввур этиб бўлмайди.

Ватанпарварлик жаҳондаги барча халқлар учун юксак қадрият хисобланади. У мазмун-моҳияти, намоён бўлишининг турли кўринишлари ва ўзига хос хусусиятлари, жамият ва инсон хаётида ҳамда урф-одатларимиз, қолаверса миллий фазилатларимиз тизимидағи ўрни алоҳида аҳамиятга эгадир.

"Ватан" атамиси аслида арабча бўлиб, она-юрт мањносини англатади. Ватан деганда барчамизнинг тасаввуримизда авваламбор инсоннинг киндик қони тўкилган тупроқ, уни вояга етказиб камол топтирган, ҳаётига мањно-мазмун баҳш этган ўз оиласи, мактаби ва маҳалласи гавдаланади. Зоро, хар бир фуқаронинг ўз туғилган ери, ўсиб улғайган юрти мавжуд.

Ватанпарварлик Шарқ халқларида энг аввало, ўз ватанини, халқини, тупроғини севиш, уларнинг моҳиятиниenglаб етиш, уларнинг олдида турган улкан вазифаларни ҳал қилиш тушунилади.

Демак, мамлакатимиздаги ҳар бир фуқаро ватан олдидаги ўз бурчини онглилик, фидоийлик билан адo этсагина ватанпарварлик эътиқоди мустақил мамлакатимиз тараққиётiga катта таъсир этувчи мањнавий кучга айланади.

Ватанпарварлик, академик Эркин Юсупов айтганидек, түгма, ирсий хусусият эмас, балки муайян ижтимоий, иқтисодий, сиёсий вазиятда, таълим тарбия

натижасида шаклланадиган маънавиятдир.¹ У эса ўз навбатида инсонда ахлоқий теранлик, хукуқий саводхонлик, бурч, ватанпарварлик масъулиятини чукур ҳис қилиш, поклик, ҳалоллик, фидоийлик, меҳнатсеварлик, садоқатлилик сингари фазилатларни шакллантиради.

Ватанпарварлик хислати шунингдек, хар бир инсоннинг ўз ватанига меҳр-муҳаббати ва садоқатини, уни авайлаб асрашга бўлган фаолиятини ҳам англатади. Ота-боболаримиз, буюк аждодларимиз ва алломаларимиз Ватанга нисбатан чексиз муҳаббатини қалбан ифода этишда ажойиб ибратлар кўрсатганлар. Буюк алломаларимиздан Аҳмад ал-Фаргоний, Бурхониддин Маргилоний ал-Рошидоний, имом Исмоил ал-Бухорий каби кўплаб ватандошларимиз ўзларининг, тахаллусларини айнан киндик қонлари тўкилган юрт билан боғлаб, унинг номини дунёга тараннум ва машҳур қилганлари ҳам барчамизга маънавий ибратдир.

Маънавиятда, ижтимоий онг ва тафаккурда ватанпарварлик идеалларини, меъёрини қарор топтириш, тарғиб қилиш умуминсоний талаб бўлиб, у хар қандай давлатнинг мустақиллигига хизмат қиласи. Ватанпарварлик ўз моҳияти билан халқка, миллатга, Ватанга хизмат қилишга, ташқи хавф-хатар туғилса барчани Ватан химоясига сафарбар этишга қодир ниҳоятда кучли туйғудир. Унга таъсири кўрсатувчи омиллар, шарт-шароитлар ўзгариб туради, баъзи тарихий шароитларда ниҳоятда кучайиши ва пасайиши ва хаттохи сезилмай қолиши мумкин. Одамларнинг дунёқараси, маълум бир даврнинг талаби, эҳтиёжи, Ватан хавфи ватанпарварлик туйғусини ривожлантириши, юксалтириши, давлат сиёсати даражасига кўтариши мумкин. Бунинг натижасида, мавжуд истиқлол мафкурасининг таъсири қучли бўлиб, у бошқарувчи омил сифатида амалий фаолиятда намоён бўлади. Мафкуравий бўшлиқ эса, одамларни Ватан химоясига сафарбар қилмаслик, уларни бир мақсадга жипслаштира олмаслик, айрим фаол ватанпарварнинг фаолиятини ҳам заифлаштиради. Барча тарихий даврларда ва давлатлар ривожланишга хос бўлган бундай ҳолат кўпинча мавжуд мафкурунинг заифлиги, таъсири доирасининг торлиги, омманинг онгига сингиб кетганлиги, маънавий эҳтиёжга айланганлиги билан ҳам изоҳланади.

Халқ ва давлатнинг тараққиёти, объектив зарурат ва омиллар, эҳтиёжлар ватанпарварлик туйғусини юзага чиқарувчи, озодлик ва мустақиллик учун курашга ундовчи, ташкил қилувчи ижтимоий кучга айланиши лозим. Лекин бунга хеч қачон миллий истиқлол мафкурасини шакллантирмасдан туриб эришиб бўлмайди. Шунинг учун ҳам у халқни, Ватанини тараққиётга, озодликка етакловчи, шу йўлни ёритиб турувчи машъал хисобланади. Шунинг учун ҳам уни шакллантиришга, одамлар онгига сингдириб юборишга муҳим аҳамият берилади, бу йўлда кенг тарбиявий – тарғибот ишлар олиб борилади, уларнинг кўлами ортиб боради².

Ватанпарварлик факатгина жанг майдонларида намоён бўлмайди. Халқимизнинг "Ватани севмоқ иймондандир" деган хикматли сўзи бежиз айтилмаган. Шундай экан, ҳар биримиз туғилиб ўсан маконимиз, ёру-дўстларимиз ва қариндошларимиз билан узвий boglovchi Ватанимизни севиб ардоқлашимиз иймонимиз ифодасидир. Айнан

шундай экан, Ватанга қалбан мухаббат қўйиш, чин юракдан севиш, унинг тараққиёти йўлида ҳалол меҳнат қилиб, куч-гайрат сарфлаш, фидойи бўлиш ҳаммамизнинг фуқаролик бурчимиздир.

Ватанпарварлик ғоясининг таркибий қисми Ватан туйғуси хар бир шахснинг дунёқарашига, унинг онги ва тафаккурига, миллий ғуур, фахр, фидоийлик хисларининг унда қай даражада шаклланганлигига боғлиқ. Ватан тақдирига шахсий ва ижтимоий масъулият шаклланмаса, фидоийлик ва қаҳрамонлик талаб қилинган онларда бепарволик, ёки шахсий манфаатларнигина химоя қилиш, қўрқоқлик, жон сақлаб қолиш учун хар қайси воситалардан фойдаланишга уриниш бошланади.³ Бу хол эса Ватанга, ҳалқига хизмат қилишдан кўра унга хиёнат қилишга олиб келади. Тарихдан ва бугунги кунимиздан хам буни исботини кўришимиш мумкин. Ватанпарварлик нафакат сўзда, балки ҳар биримизнинг амалий харакатимиз ва меҳнат фаолиятимизда ўз ифодасини топмоғи лозим. Юрт бойликларини асрар, турмуш фаровонлигини таъминлаш йўлида қайғуришимиз лозим.

Президентимиз жамиятимиздаги фидоий, билимдон, ватанпарвар, миллатпарвар бўлган зиёли инсонлар, ёшлар кўпайишига ишонч билдирап экан, навбатдаги вазифа уларнинг интилиши ва ташаббускорликларини бир нуқтага тўплаш, бир мақсад сари йўналтириш шу асосда миллий мафкурамизни ривожлантириш ва ҳалқимиз онгига сингдиришдан иборат эканлигини алоҳида таъкидлайди.

Истиқлолни ҳимоялаш, уни қадрлаш, улуғлаш, ватанпарварлик, унга хизмат қилиш бизнинг онгимизга, ақидамизга айлансанагина бизни танлаган йўлимиздан ҳеч қандай куч қайтара олмайди, қаддимизни бука олмайди.

Бугунги таҳликали кунларимизда ёшлар тарбиясида ватанпарварлик ғоялари ёки ватанпарварлик тарбияси биз ўйлаганчалик эмаслиги жуда ачинарли ҳолдир. Айниқса, ёшлар, хусусан талаба ёшлар дунёқарashi ўрганилганда кутилган натижаларни бермади. Энг аввало, талabalарнинг ватанпарварлик нима эканлигига, Ватан нима эканлигига, мустақиллик, истиқлол мафкураси нима эканлигига аниқ, лўнда жавоб бера олмаслигини қандай изоҳлаш мумкин? Бундан ташқари ҳозирги ёшлардаги қандай йўл билан бўлса ҳам пул топиш, бойлик орттириш кайфияти бизнинг юқоридаги дунёқарашимизга зиддир. Шуни алоҳида таъкидлаш керакки, мамлакатимиздаги сиёсий вазият, уни келтириб чиқараётган ҳам айнан шу ватанпарварлик тарбиясининг етишмаслигига эмасмикин?

Мамлакатимиз пойтахти Тошкент ва Тошкент вилоятидаги, Сурхондарё вилоятининг Сариосиё ва Узун туманидаги, 2005 йил 12-13 май ойида Андижонда рўй берган воқеаларда ёшларнинг иштироки борлиги улар ўртасида жиддий тарбиявий иш олиб бориш зарурлигини кўрсатмоқда. Бунинг учун ўрта-маҳсус ва олий таълим муассасаларида тарих, фалсафа, адабиёт ва диншунослик сингари фанларни ўқитишига уларнинг тарбиявий воситаларидан унумлироқ фойдаланишга этиборни кучайтириш зарур. Масалан, тарих дарсларида ёшларнинг ўзи яшаётган қишлоқ, туман, шаҳарнинг шонли ўтмиши, этнографияси, бу ерда яшаган атоқли кишиларининг Ватан тараққиётига кўшган ҳиссаси, маданиятимиз тараққиётида тутган ўрни ҳакида

тўлароқ маълумот берилса, ёш авлодда улар билан фаҳрланиш анъаналарини давом эттириш, меросни асраш ва садоқат билан ҳизмат қилиш истаги пайдо бўлиши табиийдир.

Немис мутафаккири Ф. Гегель маърифатли халқларнинг хақиқий жасорати Ватан йўлида қурбон бўлишга хозир эканликларида акс этади, деб айтган эди.

Жаҳонда бир-биридан гўзал давлатлар ва юртлар кўп. Аммо инсоннинг отонаси ҳам, ватани ҳам ягонадир. Шунинг учун ҳам бетакрор табиатига эга бўлган, жаннатмакон юртимиз хар биримиз учун жуда қадрли ва азиздир. "Ўзбекистон Ватаним маним", "Бу азиз Ватан-барчамизники" деган ғурур ва ифтихорга тўла жарангловчи шиорлар хозирда мамлакатимизда яшовчи 130 дан ортиқ турли миллат вакиллари тилида баралла янграб, миллий бойлигимиз мезони ва тимсолига айланди.

Ватан тушунчаси мазмун-моҳияти, қадрияти ва сехру жозибаси ила барчага тенглиги, ҳаммани ягона мақсад учун бирлаштира оладиган тенги йўқ куч эканлиги билан алоҳида ажralиб туради. Ватанимизнинг ягоналиги ва улуғворлиги, уни муқаддас билиб, кўз қорачигидек сақлашга тайёр турган Ўзбекистон халқининг хамжиҳатлигига намоён бўлмокда.

Республикамиз мустақилликка эришгандан сўнги йилларда босиб ўтган тараққиёт йўлимиз, Президентимиз бошчилигига юртимизда олиб борилаётган кенг кўламдаги қурилиш-бунёдкорлик ишлари, аҳолини ижтимоий ҳимоя қилишга қаратилган чора-тадбирлар биринчи даражали эканлигини, тадбиркорликка, ишлаб чиқаришни ривожлантиришга хуқуқий асослар яратиб борилаётганлиги, аҳолини замонавий маҳсулотларга бўлган талабини қондириш, ижтимоий ва моддий ахволини янада яҳшилаш, ишсизликка барҳам бериш мақсадида олиб борилаётган тадбирлар, чет эл инвесторларини жалб қилишга қаратилган чоралар кўрилаётганлиги халқимиз ва Ватанимиз манфаатларига хизмат қиласди.

Ушбу ишларни амалга оширишдан мақсад, Республикализ ичкарисида ишлаб чиқариш, хизмат қўрсатишни ривожлантириш зарурлиги, шу йўл билан ишсизликка барҳам берилишига, аҳолини ижтимоий ва моддий томондан таъминланишига тўлиқ эришиш мумкинлиги, бунинг учун эса, ички бозоримизни чет элдан кириб келувчи сифатсиз товарлардан ҳимоя қилишимиз зарурлиги, чет эл товарларини ички бозорларимизга кириб келишига йўл бериш - бу чет элдаги ишлаб чиқарувчиларни янада ривожланиб, юртимиздаги ишлаб чиқарувчиларимизни аҳволини оғирлашувига олиб келиши мумкинлиги, бундан ташқари, Республикализ ичидаги қимматбахо товар моддий бойликларни ташқарига арzon- гаровга олиб чиқиб кетилишини олдини олишимиз (металл, рангли металл, буғдой, пахта, ёқилғи-мойлаш маҳсулотлари ва ҳоказолар) балки бундай бойликларимизни ўз юртимиз равнақи учун ишлатилишини таъминласак фарзандларимизга бой- бадавлат, қудратли давлат қолишига эришган бўламиз.

Шундай экан, бир қарашда сезилмайдиган, ахамиятсиз, майда бир ишдек туюладиган юқоридаги бир харакат туфайли ҳам турмуш фаровонлигига дахлдор қадам қўйилган бўлади. Бас шундай экан, юртимиздаги товар-моддий бойликлари

(металл, рангли металл, буғдой, пахта, ёқилғи-мойлаш маҳсулотлари ва хоказолар)ни ташқарига арzon-гаровга олиб чиқиб кетилиши ҳолатини, уларнинг ташкилотчилари бўлган сотқин фуқароларни қандай баҳолайсан, киши. Минг афсуски, бундай кимсалар орамизда учраб турибди. "Ватан қадрини билмаган ўз қадрини билмас", дейилган халқимиз нақли бежиз экан.

Яна бир афсуски, кундалик ҳаётимиизда лоқайдлик, бепарволик ва бефарқликнинг турли кўринишларига дуч келаверамиз.

Юқоридагиларни бугунги ҳаётимиизда ёшлар, айниқса, талаба ёшлар ўртасида кузатиш мумкин. Улар ўзларининг ахлоқлари, юриш-туришлари, маънавияти, отоналарига, катталарга, меҳнатга, ўқишга, сиёсатга бўлган муносабатларида яққол кўзга ташланади. Ахир одам бўлиш учун ҳар қандай йўл билан пул, бойлик топиш шарт дегани эмаску.

Бу гаплардан ҳар бир зиёли тегишли хулоса чиқариб олиши, асрий орзулар, курашлар эвазига қўлга киритилган мустақил, озод Ватанимизни кўз қорачиғидай асраш, равнақ топтириш учун ўзининг бурчли эканлигини чуқур хис этиши лозим.

"Ит хуарар карвон ўтар" дейди халқимиз. Ватан, эл-юрт равнақига ғов бўладиган ҳар қандай кўринишларга йўл бермаслик, уларга нисбатан номуроса бўлмоқлик ҳам Ватан тақдирига даҳлдорлик ҳиссини, ватанпарварлик хислатини камол топтиришга хизмат қиласди.

Объектив зарурият сифатида тарихдан маълум бўлган мағкуравий таъсирларни ўрганар эканмиз, уларнинг олиш ёки салбий оқибатларга олиб келмаслиги учун нима қилиш кераклигини Биринчи Президентимиз И.А.Каримов шундай изохлайди: "Бундай йўл одамларимиз авваламбор, ёшларимизнинг иймон-эътиқодини мустаҳкамлаш, иродасини бақувват қилиш, уларни ўз мустақил фикрига эга бўлган баркамол инсон этиб тарбиялаш. Уларнинг тафаккурида ўзлигини унутмаслик, отоналарнинг муқаддас қадриятларини асраб авайлаш ва хурмат қилиш фазилатларини қарор топтириш. Уларнинг мен ўзбек фарзандиман, деб ғуур ва ифтихор билан яшашига эришишдир".⁴

Хар бир жамиятда қандай мақсадда бўлмасин янги ғоя ва концепцияларга нисбатан ёшлар ўз муносабатларини билдиради ва аҳолининг бошқа қатламига нисбатан тезроқ қабул қиласди. Чунки ёшлар физиологик ва психологик жихатдан ҳали шаклланиш босқичида бўлгани учун уларда янгиликларга нисбатан қизиқиш кучли бўлади ва уни эътиқодига айлантириш эҳтиёжи катта бўлади. Ёшлар ўзларининг ижтимоий-руҳий ва бошқа жиҳатларига кўра салбий холатларга тез берилувчанлик, жамиятдаги ўзгарувчан шароитга мослашиш қобилиятининг юқори эканлиги билан ажralиб туради. Шунинг учун ҳам хозирда ёшлар орасида миллий ғоя, миллий ғуур ва ор-номус билан боғлиқ маънавий-руҳий холатлар долзарб масалага айланди.

Миллий мағкура, миллий ғуур, миллий ифтихор тўғрисида гап борар экан, энг аввало бу туйғуни ёшларда шакллантириш муаммоларини хал қилишимиз керак

бўлади ёки фарзандларимиз юрагида ана шу Ватанга, бой тарихимизга, отабоболаримизнинг муқаддас динига соғлом муносабатини қарор топтириш, таъбир жоиз бўлса, уларнинг мафкуравий иммунитетини кучайтиришимиз зарур бўлади.

Бугунги ёшлар онгига ватанпарварлик туйгуларини шакллантиришда қўйидагиларга алоҳида эътибор бериш талаб этилади:

1. Таълим муассасаларида ўқитилаётган барча фанлар, хусусан, тарих, адабиёт фанларини ўқитишида ватанпарварлик ғоясига алоҳида эътибор қаратиш.

2. Ёшларимизнинг сиёсий маданиятини, жамиятдаги ижтимоий фаоллигини ошириш.

3. Тарихий хақиқатнинг моҳиятини тўғри очиш учун миллий гоянинг моҳиятини чукур, атрофлича ўрганиш ва эгаллаш.

4. Ёшларнинг интеллектуал ривожланиши, уларнинг ҳар бирини ўзининг шахсий фикрига эга бўлиши ва эркин мулоҳаза юрита олишига эришиш, ғоявий соғломлик, ҳар қандай ғайри табиий фикрларга муносиб жавоб беришни, ёт ва зарарли ғояларга нисбатан мафкуравий иммунитетни, турли ақидапарастлар билан асосли ва танқидий мунозара олиб боришни ўз нуқтаи назарининг тўғрилигига ишонч туйғусини шакллантириш.

5. Ватанимизнинг шонли тарихи ва буюк келажагини узвий боғлаб туришга, ўзимизни буюк аждодларимиз меросининг муносиб ворислари деб хис қилиш, шу билан бирга жаҳон ва хозирги замон фани ютуқларига эришишни таъминлаш. Тарихий - маданий бойликларни, гуманистик меросни ташвиқ этиш.

6. Ёшларда дунёда кечаётган жараёнлар, воқеалар ҳақида холис фикрга эга бўлиш, мамлакатимизда бўлаётган ўзгаришларда фаол иштирок этиш иштиёқини, фикрини уйғотиш.

7. Ёшларга ота-она, оила ва махалла, миллий ғурур, адолат, инсоф, диёнат, халоллик, комил инсонни тарбиялаш билан боғлиқ эзгу туйғу ва мақсадларни тушинишида яқиндан ёрдам бериш.

8. Жадид боболаримизнинг: “Тилда, фикрда, ишда бирлик”деган эзгу ғояларининг мазмун ва моҳиятини, дунёвий тараққиётга эришишда илм маърифатнинг асосий ролини ёшларга тушинтириш.

Ватанимиз тараққиёти ва ватанпарвар ёшлар ҳақида гап кетар экан, Президентимиз ёшларимиз ва ҳалқимизга бу вазифаларни, синов ва қийинчиликларни енгиб ўтишга ишонч билдириб шундай деди: “Ҳеч шубҳасиз, ўз кучимиз ва имкониятларимизга бўлган ишонч бизни Учинчи Ренессанс пойдеворини яратишдек эзгу мақсад йўлида бирлаштириб янада кучли ва мустаҳкам қилмоқда. Бу интилишлар улкан амалий ишларга айланиб, буюк ҳалқ харакати тобора кенгайиб бормоқда. Бундай қудратли сафда бўлишнинг ўзи катта баҳт, катта шарафdir. Барчамизга ана шу улуғ сафда бошқаларга ибрат ва намуна бўлиш, жонажон Ватанимиз, азиз ҳалқимизга фарзандлик меҳри ва садоқати билан хизмат қилиш насиб этсин”.

Хулоса қилиб айтиш мумкинки, иймон ва диёнат ватанпарварликнинг тамал тошидир. Иймони ва диёнати йўқ ҳалқнинг Ватани ҳеч қачон буюк бўлмайди.

Ватанпарварлик, демак, - бу ўз халқининг фидойиси бўлиш, халқи дардини ўз дарди деб билиш, Ўзбекистонни буюк давлатга айлантириш ишига баҳоли қудрат ҳисса қўшиш демакдир.

АДАБИЁТЛАР:

1. Э.Юсупов. “Инсон камолотининг маънавий асослари”. Т. “Университет”. 1998. 67-бет.
2. Миллий ғоя ва мафкуранинг фалсафий - хуқуқий фанлар ривожидаги ахамияти. Т. -2008. 164-165 - бет.
3. Ўша жой .165 - бет
4. Собиров Н., Ватанпарварлик, унинг ғоявий, маънавий ва маърифий асослари, Т., 2021.
5. Каримов И.А., “Ўзбекистон: миллий истиқлол, иқтисод, сиёsat, мафкура”. Т.1993.16-бет.